

Friday, August 22, 2025

Time - 2:30pm

PM TO VISIT MIZORAM

Prime Minister Narendra Modi chuan thla leh September ni 12 hian zan khat riakin Mizoram a rawn tlawh dawn a, September ni 13 ah Sairang leh Bairabi inkar Rel kawng a hawng ang.

Chief Minister Pu Lalduhoma chuan vawiina MPS Annual General Conference Arya Mess, PHQ-a a hmanpuinaah he thu hi sawiin Prime Minister hi September ni 12 ah Mizoram tlawhin a rawn zin dawn a ti a, ni 12 zan a riak dawn tih sawiin a tuk September ni 13 ah Sairang leh Bairabi inkar Rel kawng a hawng dawn tih a sawi.

Pu Lalduhoma chuan Prime Minister Narendra Modi an rel kawng a hawn tur chungchangah hian Union Railway Minister Ashwini Vaishnaw nen an inbe zing hle tih sawiin Mizoram sawrkar chu theihtawpin a inbuatsaih a ti a, world class rail station-a thuam tur leh Rajdhani Express service thei tura ruahman a nih thu sawiin, Inner Line Permit (ILP) check na tur counter an siam pawh pehhelna tur a awm dawn lo tih a sawi.



CM

Chief Minister Pu Lalduhoma'n ram nuam tehna chu a chhunga cheng mipuite zalenna leh ralmuannaah a ni a ti a, ram hmasawna hnathawh tinreng chu remna leh muanna boruak hnuaiah chauh tihpuitlin theih ani tih a sawi.

He thu hi vawiina MPS Annual General Conference Arya Mess, PHQ-a a hmanpuinaah sawiin India rama state ralmuang bera Mizoram an inchhal ngamna chhan chu venhimna hna thawktute vang ani a ti a, ram nuam tehna chu a mipui zalenna leh ralmuanna ani tih a sawi.

Pu Lalduhoma chuan Mizorama rel alo luh chuan vai tam tak an lo luh tawh dawn avangin ILP check tu tur Police awm sa te chu an indaih loh bakah building leh hmanraw dangte pawhin a zir lo a ti a, hei vang hian ILP endikna chu online a kalpui theih turin hma an la mek a ti a, awlsam zawkin tutenge an awm tur chin pela awm tih te an hre zung zung thei tawh dawn a ti a, Mizoramah permit nei lova vai awm an tam lutuk chu Mizoram sorkarin a vei hle tih sawiin sawrkar laipua hotute phalna in Mizoram chuan vai hnawhchhuah runpui an neih tur thu a sawi a, tunhmaa an man khawm a, an haw na tur lirthei an ruahman sak thin ang kha ni tawh lovin, local council huamchhunga phalna nei lova vai chengte chu Police, Local council leh NGO te nen haw turin an hrilh mai tur a ni a ti a, an rawn kalna tur pawh an in ruahman sak theih chuan an haw na tur ruahman sak a ngai lo tih a sawi baw.

Chief Minsiter chuan Police department a thudik tawk lo leng vel chu thudik zawk hmanga chhanglet thuai thin turin a chah a, Party mi leh sa te leh Minister te sawi ai chuan official te sawi chu mipuiten an awih zawk thin tih a sawi baw.

